

ճակատ (ՀԲԾ) քաղաքացիական նախաձեռնության (armecofront.net) կայքերից և մյուսներին ևս **տեղեկացրու** այս խնդրի մասին:

- **Միացիր** շահագործման դադարեցմանն ուղղված միջազգային առցանց ստորագրահավաքին (bit.ly/2dnNKlr), տարածիր այն և **հրավիրիր ստորագրելու** նաև ընկերներին:
- Եղիր ակտիվ սոցիալական ցանցերում, հատկապես **Twitter-ում** և **Facebook-ում**: Ուղիղ կապի մեջ մտնիր Համաշխարհային բանկի (@WorldBank), Միջազգային ֆինանսական կորպորացիայի (@IFC_org), Վերակառուցման և վարձագման եվրոպական բանկի (@EBRD) հետ՝ պահանջելով պատասխանատվություն ֆինանսավորած ծրագրերի համար: Կապ հաստատիր նաև ՄԱԿ-ի մարդու իրավունքների հանձնաժողովի (@UNHumanRights), մարդու իրավունքներով և բնապահպանական խնդիրներով զբաղվող այլ կառույցների հետ՝ պահանջելով ուշադրություն այս խնդրի վրա: Չմոռանաս կիրառել #NoMininginAmulsar հեշթեգը:
- **Հետևիր** Ամուլսարի թեմայով մտահոգ քաղաքացիների կազմակերպած քննարկումներին և **մասնակցիր** միջոցառումներին (նաև ՀԲԾ-ի ֆեյսբուքյան էջով): Եղիր նախաձեռնող, ինքդ առաջարկիր լուծումներ:
- Կապ հաստատիր Ջերմուկի և հարակից համայնքների հետ: Ջորակցիր և ուժեղացրու համայնքներում ընթացող **պայքարը**: Նպաստիր ներկայիս տնտեսական հնարավորությունների (վբոսաշրջություն, գյուղատնտեսություն, առողջապահություն) արժևորմանն ու վարձագմանը:
- **Տարածիր այս թռուցիկը** համացանցում, քո համալսարանում, դպրոցում, աշխատավայրում, բակում:

Լինենք հաստատակամ մեր պայքարում և թույլ չտանք Հայաստանի հերթական հանքարդյունաբերական ավերն ու էկոլոգիական, տնտեսական և կենսական այս սպառնալիքի իրագործումը: Մենք բոլորս պատասխանատու ենք մեր, ապագա սերունդների և բնության առջև:

Համահայկական բնապահպանական ճակատ (ՀԲԾ) քաղաքացիական նախաձեռնություն

Կայք՝ armecofront.net
Ֆեյսբուքյան էջ՝ facebook.com/armecofront
Յություբյան ալիք՝ youtube.com/user/armecofront
Էլ. փոստ՝ armecofront@gmail.com



Ինչո՞ւ չպետք է շահագործվի Ամուլսարի ոսկու հանքավայրը

Ի՞նչ է Ամուլսարի ծրագիրը

Ամուլսարը Վայոց ձորի և Սյունիքի մարզերի սահմանագլխին գտնվող լեռնագագաթ է, Հայաստանի գանձերից մեկի՝ ջրաբանական հրաշք Ջերմուկ առողջարանային քաղաքից ընդամենը 10 կիլոմետր հեռավորության վրա: Ամուլսարում իբր հայտնաբերվել են ոսկու արդյունաբերական պաշարներ, որոնք ՀՀ վարչակազմն անխոհեմաբար և ապօրինաբար շահագործման է հանձնել բրիտանական օֆշորում գրանցված անհայտ ծագման «Լիդիան Ինթերնեշնլը» ընկերությանը: Հանքավայրի ենթակառուցվածքների շինարարությունը սկսվել է 2016թ.՝ օգոստոսին, իսկ Ամուլսարի հոշոտումը, եթե թույլ տանք, կսկսվի մոտ 2 տարի անց և կտևի 10 տարի: **Տարեկան վերամշակվելու է 10 մլն տոննա հանքաքար**, իսկ ոսկու կորպումն իրականացվելու է **խիստ թունավոր և վտանգավոր նատրիումի ցիանիդի միջոցով**, որից տարեկան ներկրվելու և օգտագործվելու է **1000 տոննա**:

Ո՞վ է իրականացնում ծրագիրը և ո՞վ է ֆինանսավորում

Ամուլսարի ոսկու հանքավայրի շահագործման իրավունքը հանձնված է վերոնշյալ օֆշորային Lydian International ընկերությանը պատկանող Լիդիան Արմենիա (նախկին «Գեոթիմ») դուստր ընկերությանը: Lydian International ընկերության հիմնական բաժնետերերից են Համաշխարհային բանկի անդամ Միջազգային ֆինանսական կորպորացիան (IFC), Վերակառուցման և վարձագման եվրոպական բանկը (EBRD), Orion Mine Finance և Resource Capital Funds մասնավոր ներդրումային ընկերությունները: IFC-ն նաև վարկի միջոցով ֆինանսավորում է ծրագիրը՝ չնայած

Հայաստանի քաղաքացիների հղած **բազմաթիվ բողոքներին**: Ծրագիրը վայելում է Հայաստանի ոչ լեգիտիմ վարչակազմի բարձր հովանավորությունը, որի պատճառով դատական ատյանները մերժել են քննել ծրագրի ապօրինության հետ կապված հայցերը՝ ինչպես Թեղուտի հանքի դեպքում:

Ինչո՞ւ չպետք է շահագործվի Ամուլսարը



- Ամուլսարի ոսկու հանքի շահագործման ընթացքում կիրառվելու է նատրիումի **ցիանիդ**՝ խիստ վտանգավոր միացություն մարդու առողջության և բնական միջավայրի համար: Ցիանային հարթակը նախատեսվում է կառուցել Գնդեվազ գյուղից ընդամենը 1000 մ հեռավորության վրա, որտեղ տարեկան օգտագործվելու է 1000 տոննա նատրիումի ցիանիդ: Ցիանիդը բեռնատարներով տեղափոխվելու

է Հայաստանի մի ծայրից գրեթե մինչև մյուս ծայր տասնյակ համայնքների միջով:

- Այս հանքավայրի շահագործմամբ **թունավորման վտանգի առաջ են կանգնում Հայաստանի ջրային պաշարները**՝ ռազմավարական նշանակություն ունեցող Կեչուտի և Սպանդարյանի ջրամբարները, Արփա և Որոտան գետերի ավազանների բնական միջավայրը, Որոտան-Արփա-Սևան ջրատար թունելն ու տարածաշրջանի քաղցրահամ ջրերի գլխավոր շտեմարան համարվող Սևանա լիճը: Բացահանքով հոսող ձևիալքի և անձրևի ջրերը ծանր մետաղներով աղտոտելու են ջրային այս ավազանների ակունքները, ինչպես տեղի է ունենում Հայաստանի հանքային այլ տարածքներում, վառ օրինակը՝ Կավարտի լճված հանքն է (goo.gl/99yaeo):
- Ծանր և վտանգավոր մետաղներով հագեցած **հանքային փոշին տարածվելու է տասնյակ կիլոմետրեր**՝ աղտոտելով տարածաշրջանի մարգագետիններն ու բարձրորակ արոտավայրերը:
- Վտանգվելու են եզակի բուսատեսակներ և կենդանատեսակներ՝ վերջիններիս բնակատեղի ու էկոմիգրացիայի միջանցք համարվող Ամուլսարի Արտավազը, Տիգրան և Էրատո գագաթների ու հարակից տարածքների փաստացի վերացման արդյունքում:

- Բացի այդ, հանքավայրի նախատեսվող ենթակառուցվածքները Ջերմուկ քաղաքից ընդամենը 7 կմ հեռավորության վրա են, որտեղ էլ գտնվում են **Հայաստանի ամենահայտնի հանքային բուժիչ ջրերի աղբյուրներն ու առողջարանները**, որոնք նույնպես հանքի շահագործման արդյունքում կհայտնվեն լուրջ վտանգների առաջ:
- Հանքագործների ներհոսքով պայմանավորված ապրանքների և ծառայությունների **գնաճը** (բնակարանների և մնդի գներ)՝ պզալի բացասական ազդեցության են թողնելու արդեն իսկ աղքատ մարդկանց վրա: Խորանալու է սոցիալական անհավասարությունը, առավել խոցելի են դառնալու տարեցներն ու կանայք:
- Ոչ տեղաբնակների (հիմնականում արական սեռի) մեծ ներհոսքի պատճառով խաթարվելու է նաև Ջերմուկ, Կեչուտ և Գնդեվազ բնակավայրերի սոցիալական հյուսվածքը: **Կանայք զրկվելու են զբոսաշրջության, առողջապահության և գյուղատնտեսության, ոլորտում ներկայիս իրենց աշխատանքներից և մղվելու սեռական շահագործման շուկա:**
- Տնտեսական օգուտների մասին խոսելը պարզապես ծիծաղելի է, հատկապես եթե հաշվի ենք առնում Հայաստանի օրենսդրական դաշտը: Միայն պատկերացրե՛ք՝ **հանքաքարի վերամշակման արդյունքում առաջանալու են 100 մլն տոննա խիստ վտանգավոր թափոններ**, որոնց համար ընկերությունը պետական բյուջե ոչինչ չի վճարելու:
- Եթե այս ամենին ավելացնենք նաև այն, որ Ամուլսարը շահագործվելու է ընդամենը 10 տարի, ապա նախ հարց է առաջանում, թե ինչո՞ւ են այս արագությամբ ցանկանում հոշոտել Ամուլսարը, և ապա՝ ի՞նչ են անելու այս համայնքների բնակիչները 10 տարի անց, երբ գյուղատնտեսությամբ զբաղվելն արդեն անհնար կլինի մերձակա համայնքներում, իսկ Ջերմուկ քաղաքն էլ կորցրած կլինի իր առողջարանային համբավը՝ հանքի շահագործման ընթացքում հանքափորների քաղաքի կարգավիճակ ձեռք բերելու արդյունքում:

Այսպիսի խնդիրներով, և օրենսդրական լրջագույն խախտումներով ու կոռուպցիոն պրակտիկաներով հաստատված ծրագրի մասին, համացանցում կան բազմաթիվ փորձագիտական ու մասնագիտական ելույթներ, վերլուծական հոդվածներ, հարցազրույցներ և տեսանյութեր:

Ի՞նչ կարող են անել դու

- **Տեղեկացի՜ր** Ամուլսարի հանքի շահագործման բոլոր ռիսկերի մասին էկոլորի (ecolor.org) և Համահայկական բնապահպանական